



14. maj 2007

Inatsisartut Forretningsorden-ianni § 36 imm. 1 tunngavigalugulu Naalakkersuisunut apeqquteqaatinik makkunangga saqqummiussaqaarniarpunga:

Kommunefogedinut tunngatillugu kiisalu Kalaallit-nunaanni politiit tjenestemanditut atorfeqartinneqartut aningaasarsiaannut tunngatillugu Naalakkersuisut makkunangga apeqquteqaateqarfiginiarpakka.

(Inatsisartunut ilaasortaq Lene Knüppel, Demokraatit)

Tunngaviit:

Naalakkersuisunut ilaasortap Aleqa Hammond-ip kiisalu Justistminister, Lene Espersen-ip akornanni eqqartuussiveqarnikkut ataatsimiititaliarssuup innersutaanut tunngatillugu isumaqatigiissuteqarnerannut atatillugu nalunaarutigineqarpoq, ataatsimiititaliarssuup innersuutai tamarmik politiit angallatissaannik nutaamik pissarsinissamik kissaateqarneq eqqaassanngikkanni tamarmik isumaqatigiissutigineqartut, taakkualu piviusunngortinnissaat sulissutigalugit aallartinneqassasut.

Tamatununga atatillugu makkununga tunngatillugu apeqquteqarniarlunga kissaatigaara:

- Kommunefogedit ajunngitsorsiassaasut qanoq annertutigisumik qaffaavigineqassappat?
- Siunissami kommunefogedit ajunngitsorsiassaasut qanoq annertutigissappat?
- Ulloq suna qaffaatit atuutilersinneqassappat?
- Kommunefogedit piginnarniarlugit kiisalu siunissami kommunefogedinngornissaq pilerinarsniarlugu sutigut allatigut suliniuteqartoqarpa?

Kiisalu eqqartuussiveqarneq pillugu ataatsimiititaliarssuup innersuutigaa kalaalit politiivisa taavalu qalunaat politiivisa aningaasarsiaasigut assigiimmik pineqalernissaat atuutilersinnissaat suliarineqassasooq. Savalimmiormiut politiivi tjenestemandiusut qallunaat politiivisa akissarsiatigut aaqqissuussaananerata ataani inissisimareerput, tamatumalu kingunerisaanik qallunaat politiivisa aningaasarsiaasut tamakkiisumik aningaasarsiaqarnerisigut assigalugit, kiisalu taakkua aningaasarsiaasut TAMAKIISUT soraarnerussutisiaqarfiginissaannut pisinnaatitaaffeqarlutik.

- Qaqugu Kalaallit-nunaanni politiit tjenestemand-itut atorfeqartinneqartut Qallunaat-nunaanni politeeqatitik assigalugit Qallunaat-nunaanni aningaasarsiaqartitaanikkut aaqqissugaaffiannut ilanngutitinneqassappat?
- Kalaallit-nunaanni politiit tjenestemand-iusut aningaasarsiaqarnermikkut Qallunaat-Nunaanni politiit aningaasarsiaasigut aaqqissugaaffiannut nuutinneqassanngippata Naalakkersuisut qinnuvigineqarput tamanna sumik pissuteqarnerisigut pillugu nassuiaannik saqqummiusseqqullugit, kiisalu ilanngullugit piumasarineqarpoq sorliit, tassa Namminersornerullutik Oqartussat imaluunniit Qallunaat Naalagaaffiat piumasaqaatitaqanngitsumik assigiimmik aningaasarsiaqalernissamat akerliunersut.

Apeqquteqaatit pineqartut allakkap matuma tiguneraniit ullut qulit qaangiutsinnagit akissuteqaateqarfiginissaat piumasarineqarpoq.